

SEDMIČNI PREGLED AKTIVNOSTI SUDA BIH

Odjel I, II i III

(5. – 9. februara 2024.)

- Sud Bosne i Hercegovine je 21.12.2023. potvrdio optužnicu u predmetu **Dragan Kulina** koja optuženog **Dragana Kulinu** tereti da je, radnjama opisanim u optužnici, počinio krivično djelo porezna utaja ili prevara iz člana 210. stav 1., sve u vezi sa članom 124. Krivičnog zakona Bosne i Hercegovine.

Optuženi se tereti da je postupajući kao direktor i odgovorna osoba u pravnom licu „Unigrad“ d.o.o. Istočno Sarajevo, i kao porezni obveznik u ime, za račun i u korist spomenutog pravnog lica, u namjeri da izbjegne davanja propisanih zakonodavstvom BiH, u svojim poslovnim knjigama od 2012. do 2015. godine, nije unosio tačne podatke koji se odnose na visinu stvarno ostvarenog prometa na novosagrađenim stambenim objektima, poslovnim prostorima i garažama, koji se nalaze u Istočnom Sarajevu i to tako što, nakon izvršene prodaje stanova i garaža na osnovu zaključenih notarski obrađenih kupoprodajnih ugovora, za iste nije izdavao konačne izlazne fakture, niti prijavio i platio obaveze za PDV, iako je plaćanje po osnovu izvršene kupoprodaje bilo izvršeno u cijelosti, te je UIO BIH podnosio PDV prijave za navedene godine neistinitog sadržaja. Dalje se navodi da je dajući lažne podatke o svojim stečenim oporezivim prihodima i drugim činjenicama koje su od utjecaja na utvrđivanje iznosa obaveza po osnovu indirektnih poreza izbjegao obračunati, prijaviti i platiti izlazni PDV u periodu od 2012. godine do 2015. godine u iznosu od 737.930,00 KM, na koji način je izbjegao plaćanje indirektnih poreza propisanim poreznim zakonodavstvom BIH u navedenom iznosu za koji je oštećen budžet BIH.

- Sud Bosne i Hercegovine je 27.12.2023. otpremio drugostepenu presudu u predmetu **Jure Kordić i drugi**, kojom su **odbijene kao neosnovane** žalba Tužilaštva Bosne i Hercegovine i žalbe branilaca optuženih **Jure Kordića, Dražana Lovrića i Nedžada Tinjaka**, te je **potvrđena** prvostepena presuda Suda Bosne i Hercegovine od 24.2.2023. godine

Naime, prvostepenom presudom Suda BiH od 24.2.2023. optuženi **Jure Kordić, Dražan Lovrić i Nedžad Tinjak oglašeni su krivim** što su, kao pripadnici HVO-a, sami, zajedno ili zajedno s drugim vojnicima postupali

suprotno osnovnim pravilima međunarodnog humanitarnog prava, tako što su učestvovali u protuzakonitom odvođenju i/ili zatvaranju bošnjačkih civila s područja Mostara, optuženi Kordić i u nečovječnom postupanju prema civilima, te optuženi Tinjak i u nečovječnom postupanju prema civilima i u silovanju, a koji civili su bili zatvorenici u logoru Vojno, i to Jure Kordić radnjama opisanim u tački 1. a) i b) osuđujućeg dijela izreke presude, Dražan Lovrić radnjama opisanim u tački 2. osuđujućeg dijela izreke presude i Nedžad Tinjak radnjama opisanim u tačkama 2. i 3. a), b), c), d), e), f), g) i h) osuđujućeg dijela izreke presude, čime su počinili krivično djelo ratni zločin protiv civilnog stanovništva iz člana 142. stav 1. KZSFRJ, u vezi sa članom 22. istog Zakona.

Sud je optuženima izrekao sljedeće kazne:

- **Juri Kordiću kaznu zatvora u trajanju od tri (3) godine;**
- **Dražanu Lovriću kaznu zatvora u trajanju od jedne (1) godine;**
- **Nedžadu Tinjaku kaznu zatvora u trajanju od 12 (dvanaest) godina.**

Istom presudom, optuženi **Nedžad Tinjak, Dario Sušac, Nuhan Šikalo, Dario Mihalj, Stanko Škobić, Tomislav Aničić i Slavko Golemac** su oslobođeni od optužbe čime bi na način opisan u oslobađajućem dijelu izreke presude počinili krivično djelo zločini protiv čovječnosti iz člana 172. stav 1. tačka h) u vezi s tačkama e), f), g) i k) Krivičnog zakona Bosne i Hercegovine (KZBiH), sve u vezi sa članovima 29. i 180. stav 1. istog Zakona. Odluka je donesena na osnovu odredbe člana 284. tačka c) Zakona o krivičnom postupku Bosne i Hercegovine, odnosno jer nije dokazano da su počinili krivično djelo za koje se terete.

Protiv drugostepene presude žalba nije dozvoljena.

- Sud Bosne i Hercegovine je 28.12.2023. potvrdio optužnicu u predmetu **Jevra Stojčinović i dr. (S1 2 K 032666 23 Ko)** koja optužene **Jevru Stojčinović i pravno lice "Natali" d.o.o. Doboj** tereti da su radnjama opisanim u optužnici počinili krivično djelo porezne utaje ili prevare iz člana 210. stav 4, u vezi sa stavom 1. KZBiH, a sve u vezi sa članom 54. istog Zakona.

Optužena Jevra Stojčinović se tereti da je, u periodu od 11.4.2014. godine do 31.12.2018. godine, kao direktor i lice ovlašteno za zastupanje u pravnom licu „Natali“ d.o.o. Doboj, u okviru poslovne djelatnosti pravnog lica „Natali“ poduzimala *pro forma* radnje u smislu odredaba člana 16. Zakona o Upravi za indirektno oporezivanje BiH, odnosno poduzimala radnje koje su odredbom

člana 64. Zakona o porezu na dodanu vrijednost definisane kao „fiktivni promet“, tako što je pribavljala lažne fakture o nabavci roba i usluga koje glase na druga pravna lica, pa je tako pribavljene fakture i promete iskazane na istim, evidentirala u svojim poslovnim evidencijama i u svojim prijavama samooporezivanja podnesenim Upravi za indirektno oporezivanje BiH, kao da je promet stvarno izvršen, odnosno neosnovano iskazala ulazni porez na dodanu vrijednost sa pravom odbitka u ukupnom iznosu od 594.991,00 KM, za koji iznos je oštećen budžet BiH.

Dalje se navodi da je pravno lice „Natali“ d.o.o. Doboj, kao porezni obveznik, raspolagalo protupravno ostvarenom imovinskom koristi, u iznosu od 594.991,00 KM, koju je u ime, za račun i u korist istog, kao direktor i lice ovlašteno za zastupanje u pravnom licu, ostvarila optužena Jevra Stojčinović.

- Sud Bosne i Hercegovine je 24.1.2024. u predmetu **Nijaz Halilović i dr. (S1 2 K 041113 24 Ko)** potvrdio optužnicu koja optužene **Nijaza Halilovića i Đorđa Mijovića** tereti da su radnjama opisanim u optužnici počinili krivično djelo primanje dara i drugih oblika koristi iz člana 217. stav 1. Krivičnog zakona BiH.

Optuženi **Nijaz Halilović i Đorđe Mijović** se terete da su 26.8.2021. na Međunarodnom graničnom prelazu Hum, općina Foča, u svojstvu službenih osoba u institucijama Bosne i Hercegovine, kao policijski službenici Granične policije BiH, raspoređeni u Jedinicu Granične policije Hum, i to **Nijaz Halilović**, kao vođa tima na graničnom prelazu, i **Đorđe Mijović**, raspoređen na poslovima policajca za graničnu kontrolu, s pravima i obavezama koje proizlaze iz ovlaštenja propisanih Zakonom o Graničnoj policiji BiH, i to Đorđe Mijović, prilikom vršenja granične kontrole putnika na ulazu u Bosnu i Hercegovinu iz pravca Republike Crne Gore, nakon što je utvrdio da putnik E. X. ne posjeduje niti jedan dokaz za negativan nalaz PCR testa ili brzog antigenskog testa na virus SARS-CoV-2, potvrdu o vakcinaciji ili potvrdu izdatu od ljekara da je lice preboljelo bolest COVID-19, navedenom putniku je dozvolio izlazak iz autobusa i ulazak u službene prostorije Granične policije BiH na MGP Hum, u kojima se nalazio Nijaz Halilović. Dalje se navodi da je tom prilikom Đorđe Mijović usmeno informirao Nijaza Halilovića o trenutnom statusu putnika E. X., nakon čega su oba policijska službenika GPBiH, koristeći se prethodnim saznanjem da putnik ne ispunjava propisane dodatne uvjete za ulazak stranaca u BiH, a u cilju pribavljanja protupravne imovinske koristi, od putnika E. X. zahtijevali i primili dar u vidu novca u iznosu od 20,00 EUR, da ne izvrše radnju koju su bili obavezni izvršiti, te na taj način licu E. X. omogućili

ulazak u BiH, odnosno nisu postupili shodno odredbama Zakona o strancima BiH.

- Sud je 26.1.2024. otpremio drugostepenu presudu u predmetu **Spomenko Novović i dr. (S1 1 K 039203 21 Kri)**, kojom je **odbijena kao neosnovana** žalba Tužilaštva Bosne i Hercegovine i **potvrđena** prvostepena presuda Suda Bosne i Hercegovine od 6.7.2023. godine.

Prvostepenom presudom Suda BiH od 6.7.2023. optuženi **Spomenko Novović i Borislav Pjano oslobođeni su od optužbe**, jer nije dokazano da su radnjama opisanim u izreci presude počinili krivično djelo zločini protiv čovječnosti iz člana 172. Krivičnog zakona Bosne i Hercegovine

- Na ročištu za izjašnjenje o krivnji, održanom 1.2.2024. u predmetu **Ljubomir Kalaba (S1 2 K 046825 23 Ko)**, optuženi **Ljubomir Kalaba** izjasnio se da **nije kriv** za krivično djelo za koje se tereti optužnicom Tužilaštva BiH – zloupotreba položaja ili ovlaštenja iz člana 220. stav 1. Krivičnog zakona Bosne i Hercegovine.
- Sud je 2.2.2024. u predmetu **Nedžad Salkanović i dr. (S1 2 K 027416 23 K)** nakon okončanog glavnog pretresa donio i javno objavio presudu kojom su optuženi **Nedžad Salkanović** i optuženo pravno lice „**Nesal Company**“ d.o.o. **Živinice** na osnovu člana 284. tačka c) Zakona o krivičnom postupku BiH **oslobođeni od optužbe** jer nije dokazano da su radnjama opisanim u izreci presude počinili krivično djelo porezna utaja ili prevara iz člana 210. stav 3. u vezi sa stavom 1. i članom 124. tačka c) Krivičnog zakona Bosne i Hercegovine.

PONEDJELJAK, 5. februara 2024. godine

PREDMET	SUDIJA/VIJEĆE	ROČIŠTE
Odjel I Ćamil Ramić i dr. S1 1 K 031399 19 Kri	<i>Minka Kreho</i> <i>Željka Marenić</i> <i>Tanja Curović</i>	Saslušanje jednog svjedoka po prijedlogu Tužilaštva
Odjel I Senad Bužimkić i dr. S1 1 K 022343 23 Kri	<i>Željka Marenić</i> <i>Tanja Curović</i> <i>Minka Kreho</i>	Saslušanje tri svjedoka po prijedlogu Tužilaštva

Odjel I Zdravko Samardžija S1 1 K 041909 22 Kri	<i>Zoran Božić</i> <i>Dragan Vukajlović</i> <i>Lejla Konjić Dragović</i>	Statusna konferencija
Odjel II Milorad Dodik S1 2 K 046070 23 K	<i>Sena Uzunović</i>	Ročište za početak glavnog pretresa
Odjel II Ivan Antunović i dr. S1 2 K 044723 23 K	<i>Izo Tankić</i> <i>Biljana Ćuković</i> <i>Stanko Blagić</i>	Ponovni početak glavnog pretresa
Odjel I Zoran Nešković i dr. S1 1 K 003410 22 Kri	<i>Zoran Božić</i> <i>Šaban Maksumić</i> <i>Vesna Jesenković</i>	Saslušanje dva svjedoka po prijedlogu Tužilaštva i saslušanje jednog vještaka po prijedlogu Suda
Odjel I Živan Miljanović i dr. S1 1 K 041920 22 Kri	<i>Dragan Vukajlović</i> <i>Miroslav Popović</i> <i>Enida Hadžiomerović</i>	Saslušanje jednog svjedoka po prijedlogu Tužilaštva
Odjel III Zawitowski Andrzej Jacek S1 3 K 046384 23 K	<i>Hasija Mašović</i>	Nastavak glavnog pretresa izvođenjem dokaza Tužilaštva saslušanjem vještaka i svjedoka

UTORAK, 6. februara 2024. godine

- Sud je 6.2.2024. u predmetu **Senad Bužimkić i dr. (S1 1 K 022343 23 Kri)**, donio rješenje van ročišta, kojim je utvrđeno da i dalje postoje okolnosti koje opravdavaju trajanje mjere pritvora prema optuženom **Nedžadu Čehiću**, određene rješenjem Suda od 24.6.2023. godine, te produžene rješenjem Suda BiH od 8.8.2023. godine, i to iz razloga propisanih odredbom člana 132. stav 1. tačke a) ZKPBiH. Pritvor po ovom rješenju može trajati do **6.4.2024.** godine.

PREDMET	SUDIJA/VIJEĆE	ROČIŠTE
Odjel I Slavko Puhalić i dr. S1 1 K 045982 23 Kri	<i>Miroslav Popović</i> <i>Dragan Vukajlović</i> <i>Enida Hadžiomerović</i>	Početak glavnog pretresa
Odjel II Saša Ratković i dr. S1 2 K 044836 23 K	<i>Miroslav Janjić</i> <i>Mirza Đozo</i> <i>Sena Uzunović</i>	Prezentacija rezultata posebnih istražnih radnji uz pomoć jednog svjedoka Tužilaštva

Odjel II Armin Đananović S1 2 K 041064 24 K	<i>Izo Tankić</i> <i>Stanko Blagić</i> <i>Biljana Ćuković</i>	Saslušanje jednog vještaka po prijedlogu Tužilaštva
Odjel I Ivan Antunović i dr. S1 2 K 032139 20 K	<i>Goran Radević</i> <i>Hasija Mašović</i> <i>Braco Stupar</i>	Nastavak davanja završnih riječi Tužilaštva
Odjel II Ramel Jusufi i dr. S1 2 K 044751 23 K	<i>Stanko Blagić</i>	Saslušanje dva svjedoka po prijedlogu odbrane drugooptuženog i saslušanje drugooptuženog u svojstvu svjedoka

SRIJEDA, 7. februara 2024. godine

- Sud Bosne i Hercegovine je 7.2.2024. donio rješenje u predmetu **Almir Serdarević i dr. (S1 2 K 031329 18 Krn)** kojim se stavlja van snage rješenje ovog Suda od 10.10.2022. i istovremenom prema osumnjičenom **Almiru Serdareviću**, nakon lišenja slobode po međunarodnoj potjernici, **određuje pritvor**, koji po ovom rješenju može trajati najduže **mjesec dana** od dana lišenja slobode, odnosno do **6.3.2024.** ili do nove odluke Suda, a zbog postojanja posebnih pritvorskih razloga propisanih članom 132. stav 1. tačka a) ZKPBiH, odnosno zbog opasnosti od bjekstva.

Osumnjičeni Almir Serdarević se tereti za počinjenje krivičnog djela organizirani kriminal iz člana 250. stav 3. KZBiH, u vezi s krivičnim djelom neovlašteni promet opojnim drogama iz člana 195. stav 1. KZBiH.

- Odlučujući o prijedlogu Tužilaštva BiH, Sud je 7.2.2024. u predmetu **Bojan Đokić i dr. (S1 2 K 045682 24 Krn)** nakon održanog ročišta donio rješenje kojim je prihvaćen prijedlog Tužilaštva i osumnjičenim **Bojanu Đokiću, Strahinji Pandurević i Draganu Stuparu Luliću određen pritvor**, koji po ovom rješenju može trajati najduže **mjesec dana** odnosno **do 5.3.2024.** ili do nove odluke Suda, a sve zbog postojanja posebnih pritvorskih razloga propisanih članom 132. stav 1. tačkama b) i c) ZKPBiH, odnosno zbog bojazni da bi boravkom na slobodi osumnjičeni utjecali na svjedoke, saučesnike ili prikrivače i bojazni da će optuženi boravkom na slobodi ponoviti ili dovršiti već pokušano krivično djelo.
- Odlučujući o prijedlogu Tužilaštva BiH, Sud je 7.2.2024. u predmetu **Froner Celestino (S1 3 K 047429 24 Kpp)** nakon održanog ročišta donio rješenje

kojim je prihvaćen prijedlog Tužilaštva i osumnjičenom **Froneru Celestinu određen pritvor**, koji po ovom rješenju može trajati najduže mjesec dana odnosno do **5.3.2024.** godine ili do nove odluke Suda, a sve zbog postojanja posebnih pritvorskih razloga propisanih članom 132. stav 1. tačka a) ZKPBiH, odnosno zbog bojazni od bjekstva.

- Na ročištu za izjašnjenje o krivnji, održanom dana 7.2.2024. godine u predmetu **Slađan Kokotović (S1 3 K 045206 23 Kps)**, optuženi **Slađan Kokotović** izjasnio se da **nije kriv** za krivično djelo za koje se tereti optužnicom Tužilaštva BiH – krivotvorenje novca iz člana 205. stav 1. u vezi sa članom 54. Krivičnog zakona Bosne i Hercegovine.

PREDMET	SUDIJA/VIJEĆE	ROČIŠTE
Odjel II Dejan Pudar S1 2 K 028410 23 K	<i>Biljana Ćuković Izo Tankić Stanko Blagić</i>	Saslušanje dva svjedoka po prijedlogu Tužilaštva
Odjel I Zijad Kadrić i dr. S1 1 K 044290 23 Kri	<i>Braco Stupar Davorin Jukić Lejla Konjić Dragović</i>	Početak glavnog pretresa
Odjel II Bojan Cvijetić i dr. S1 2 K 046336 23 K	<i>Izo Tankić Biljana Ćuković Stanko Blagić</i>	Unakrsno ispitivanje svjedoka Tužilaštva, ispitivanje jednog vještaka po prijedlogu Tužilaštva
Odjel I Dragan Babić i dr. S1 1 K 046543 23 Kri	<i>Enida Hadžiomerović Miroslav Popović Dragan Vukajlović</i>	Saslušanje dva svjedoka po prijedlogu Tužilaštva
Odjel II Dalibor Raičić i dr. S1 2 K 044546 23 K	<i>Miroslav Janjić Mirza Đozo Sena Uzunović</i>	Saslušanje dva svjedoka po prijedlogu Tužilaštva
Odjel II Almir Serdarević i dr. S1 2 K 031329 18 Krn	<i>Tatjana Kosović</i>	Ročište za određivanje mjera pritvora
Odjel II Bojan Đokić i dr. S1 2 K 045682 24 Krn	<i>Tatjana Kosović</i>	Ročište za određivanje mjera pritvora
Odjel III Slađan Kokotović S1 3 K 045206 23 Kps	<i>Tanja Curović</i>	Ročište za izjašnjenje o krivnji

Odjel III Froner Celestino S1 3 K 047429 24 Kpp	<i>Izo Tankić</i>	Ročište za određivanje mjere pritvora
--	-------------------	--

ČETVRTAK, 8. februara 2024. godine

- Sud je 8.2.2024. u predmetu **Selma Gubaljević i dr. (S1 2 K 044940 23 Krn)** donio rješenje kojim je **djelimično prihvaćen** prijedlog Tužilaštva BiH te prema osumnjičenoj **Selmi Gubaljević odredio pritvor**, koji po ovom rješenju može trajati najduže **mjesec dana**, računajući od dana lišenja slobode, odnosno do **6.3.2024.** godine ili do nove odluke Suda, i to zbog postojanja posebnih pritvorskih razloga propisanih članom 132. stav 1. tačka b) ZKPBiH.

Nadalje, istim rješenjem **odbijen je kao neosnovan** prijedlog Tužilaštva BiH za određivanje pritvora prema osumnjičenom **Seadu Avdiću**, te je istovremeno prema osumnjičenom određena **mjera zabrane napuštanja boravišta iz člana 126. stav 1. ZKPBiH**. Izrečena mjera zabrane će trajati dok za istom postoji potreba, a najduže do pravomoćnosti presude ili do drugačije odluke ovog Suda.

- Sud je 8. 2.2024. u predmetu **Kasim Šabanović (S1 3 K 033815 19 Kps)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Kasim Šabanović oglašen krivim** što je, na način opisan u izreci presude, počinio krivično djelo krivotvorenje novca iz člana 205. stav 1. Krivičnog zakona Bosne i Hercegovine u vezi sa članom 29. istog Zakona. Sud je optuženom za počinjeno krivično djelo izrekao kaznu zatvora u trajanju **od tri (3) mjeseca**. Na osnovu člana 205. stav 5. KZBiH od optuženog se trajno oduzimaju predmeti i to tri krivotvorene novčanice u apoenu od **50,00 eura**. Na osnovu člana 110. KZBiH, od optuženog se oduzima protupravna imovinska korist stečena krivičnim djelom u iznosu od **94,00 KM (devedeset i četiri konvertibilne marke)**, koji iznos je optuženi dužan uplatiti u roku od 15 (petnaest) dana u korist budžeta Bosne i Hercegovine.

PREDMET	SUDIJA/VIJEĆE	ROČIŠTE
Odjel I Džemal Hadžić i dr. S1 1 K 027423 18 Kri	<i>Minka Kreho</i> <i>Željka Marenić</i> <i>Tanja Curović</i>	Čitanja iskaza dva preminula svjedoka

Odjel I Branislav Lasica i dr. S1 1 K 041879 22 Kri	<i>Lejla Konjić Dragović</i> <i>Davorin Jukić</i> <i>Braco Stupar</i>	Saslušanje dva svjedoka Tužilaštva
Odjel I Lazar Ristić i dr. S1 1 K 047173 23 Kro	<i>Enida Hadžiomerović</i>	Ročište po prijedlogu Tužilaštva za produženje mjere pritvora
Odjel II Ishakil Amanullah i dr. S1 2 K 042337 23 K	<i>Biljana Ćuković</i> <i>Stanko Blagić</i> <i>Izo Tankić</i>	Saslušanje optuženih u svojevlastitu svjedoka
Odjel I Boško Unčanin i dr. S1 1 K 042984 22 Kri	<i>Minka Kreho</i> <i>Željka Marenčić</i> <i>Tanja Curović</i>	Saslušanje dva svjedoka odbrane videolinkom
Odjel II Selma Gubaljević i dr. S1 2 K 044940 23 Krn	<i>Izo Tankić</i>	Ročište povodom prijedloga Tužilaštva za određivanje pritvora
Odjel III Vanja Vuković S1 3 K 047453 24 Kpp	<i>Tatjana Kosović</i>	Ročište povodom prijedloga Tužilaštva za određivanje pritvora
Odjel III Kasim Šabanović S1 3 K 033815 19 Kps	<i>Tanja Curović</i>	Razmatranje sporazuma o priznanju krivnje

PETAK, 9. februara 2024. godine

PREDMET	SUDIJA/VIJEĆE	ROČIŠTE
Odjel I Borislav Gligorević. S1 1 K 045790 23 Kri	<i>Davorin Jukić</i> <i>Lejla Konjić Dragović</i> <i>Braco Stupar</i>	Saslušanje jednog svjedoka Tužilaštva sa mjerama zaštite
Odjel II Alekandar Kojić i dr. S1 2 K 045894 23 Krn	<i>Minka Kreho</i> <i>Tanja Curović</i> <i>Željka Marenčić</i>	Ročište povodom prijedloga Tužilaštva za produženje mjere pritvora osumnjicima Aleksandru Kojiću, Marku Maksiću, Draganu Ristiću i Rastku Bošnjaku
Odjel II Adnan Ćatić S1 2 K 046872 24 Ko	<i>Željka Marenčić</i>	Ročište za izjašnjenje o krivnji optuženog

Odjel I Rade Grujić S1 1 K 044237 23 Kri	<i>Tanja Curović</i> <i>Minka Kreho</i> <i>Željka Marenić</i>	Iznošenje završne riječi odbrane
Odjel I Dževad Avdičević i dr. S1 1 K 032800 22 Kri	<i>Miroslav Popović</i> <i>Dragan Vukajlović</i> <i>Enida Hadžiomerović</i>	Saslušanje dva svjedoka po prijedlogu Tužilaštva
Odjel III Mateo Miličević S1 3 K 045554 24 Kps	<i>Braco Stupar</i>	Ročište za razmatranje sporazuma o priznanju krivnje
Odjel III Roman Murawski Klaudiusz i dr. S1 3 K 047229 24 Kpp	<i>Šaban Maksumić</i>	Ročište za produženje pritvora po prijedlogu Tužilaštva

Najave za narednu sedmicu:

Za ponedjeljak, 12.2.2024. godine:

- **Slobodan Savić (S1 1K 047176 23 Kro)** – Ročište za izjašnjenje o krivnji zakazano u 13:00 sati, sudnica 5;
- **Sanel Ibrahimović i dr. (S1 2 K 044830 23 Ko)** – Ročište za izjašnjenje o krivnji zakazano u 11:00 sati, sudnica 6.

Za utorak, 13.2.2024. godine:

- **Bešlaga Midžić (S1 2 K 046891 24 K)** – Ročište za razmatranje sporazuma o priznanju krivnje zakazano u 13:00 sati, sudnica 4;
- **Ferid Buljubašić i dr. (S1 1 K 018498 23 Kri)** – Ročište za početak glavnog pretresa zakazano u 13:00 sati, sudnica 6;
- **Miloš Lukić (S1 2 K 047256 24 K)** – Ročište za početak glavnog pretresa zakazano u 13:00 sati, sudnica 4;
- **Dino Pečenković (S1 3 K 046946 23 K)** – Ročište za razmatranje sporazuma o priznanju krivnje zakazano u 11:00 sati, sudnica 6.

Za srijedu, 14.2.2024. godine:

- **Ljubomir Kalaba (S1 2 K 046825 24 K)** – Ročište za početak glavnog pretresa zakazano u 13:00 sati, sudnica 8;
- **Ilija Bujak (S1 3 K 041642 23 Kps)** – Ročište za razmatranje sporazuma o priznanju krivnje zakazano u 08:30 sati, sudnica 4.

Za četvrtak, 15.2.2024. godine:

- **Stojadin Marković i dr. (S1 2K 047119 23 Ko)** – Ročište za izjašnjenja o krivnji zakazano u 13:00 sati, sudnici 8.

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	10	17
Organizirani kriminal	1	1
Opći kriminal	0	0

Broj održanih ročišta u sudnicama 3-9	38
Broj zahtjeva za izdavanje AV materijala (Odjeljenje za informiranje javnosti)	33

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: pios@sudbih.gov.ba